

金門志卷五

兵防志序

金門一島屹立外洋與廈門鐳五店桴鼓相應聲勢聯絡為泉漳二府海口要地東接臺澎呼吸可通其有係於東南沿海大局正匪淺矣前人相度要害特於料羅重集兵船以資防守

國初當事諸公幾經籌畫以為後浦地勢色藏海道深穩可以進戰退守并設二營而以總兵蒞之與遊守分哨梭巡俾顧外洋全局今值海不揚波無庸虛糜正帑於是或移或撤僅存一營然而山川如故基址猶新倘不

金門志

卷五

兵防志序

三十二

筆之於書何以備後人因時制宜之用爰考舊章稽營冊參以各家之說為兵防志若干篇而以沿海畧附焉

明兵制

明金門守禦千戶所差操屯種旗軍舊額一千五百三十

五名萬歷時存操海軍六百十八名萬歷四十六年縣志載現食糧

名屯種軍七十四名閩書

屯田三十五頃三十畝在龍溪縣南二十一等都旗軍一

百三十名府志

教場在所城北門外營房八百六十間在所城內軍器一

千七百四十二件今無存滄海紀遺

軍儲倉大使一員攢典一人管收支米斗級額編三名萬

歷間裁一名應役二名其一名扣銀充兵餉除本縣原派

金門志 卷五 明兵制 三十三

折色米銀一千三百二十七兩九錢六分四釐零內解府

給軍銀八百二十七兩九錢六分四釐零又解司備餉倉

剩銀四百七十兩協濟昌平州馬價銀三十兩外該本色

米二千四百五十名每石改折銀五錢五分其五錢解府

給軍銀一千二百二十五兩其五分解司備餉銀一百二

十二兩五錢浯州場鹽課折米銀七百四十八兩八錢四

分零解府支給本所官軍俸餉宏治十三年以潯泐二場

鹽引折米分納金門等所倉給官軍月糧嗣又奏准以晉

同二縣鹽場將米折銀分充金門等倉軍儲本所自徵屯

田本色米三百七十八石今倉廢員役俱裁

綱銀雜辨銀七十三兩一錢六分四釐於官軍年米五千六百二十八石內每石扣銀一分三釐供應

滄海紀遺

洪武二十年周德興置官灣峯上田浦陳坑烈嶼巡檢司每巡檢司從九品巡檢一員司吏一名每司原編弓兵一百名工食各皆七兩二錢嘉靖三十九年以兵興裁減三十名扣銀改布政司充餉嗣又裁減五十名四十二年各司只留十二名以備哨探盤詰萬歷九年陳坑田浦併司裁革峯上存三十八名官灣存三十二名烈嶼存一十九

名

府志滄海紀遺合參

洪武初立保障法鹽灶戶丁率十丁為一户九年抽軍全金門志 卷五 明兵制 三十四

戶抽一充留守衛軍軍亾勾取灶丁繼補二十年置守禦所抽入戶三丁取一大約以千一百二十名為千戶所一百一十名為百戶所每一百戶設總旗二名小旗十名大小相維編成隊伍其巡檢司點丁糧相應為防倭弓兵後池顯方議轉衝鋒之師以守金門革衝鋒之領以歸欽總每汛撥二捕船於澎以偵賊出發一哨船於金以禦賊入嗣又議以左遊出汛巡浯州等處右遊出汛巡金山官灣等處嘉靖萬歷間以料羅為海中衝要汛地浙兵浯嶼兵泉州水寨兵皆哨汛屯劄焉此以他部兵哨防本所者也明李設水澎標分金門兵哨汛澎湖駐防瓦硎港口城此

以本所兵哨防他部者也

滄海志錄晃巖集隆萬
府志臺灣合叅

附錄

近欲周梓里竊抱杞憂如澎湖之不必多兵先人曾與許敬庵中丞言之鷺門之當設欽總先人曾與黃中丞言之今欲加路將裁浯澎遊將之巡既暫名邑之權不尊泉紳愛其門戶既假浯與於石湖復借路將於郡內泉視同為唇齒同視鷺為咽喉奈何以春秋半駐之將名色一枝之師而支吾牖戶者愚以為路將可設欽總不可裁漳有二泉惟一可乎澎湖可移衝鋒不必另總昔轄二今無一可乎則惟轉衝鋒之師以守金門革衝

金門志

卷五

明兵制

三十五

鋒之領以歸欽總則欽總之寄仍重鷺島之枕可安路將之丁健有出二欽並峙兩翼互應每汛撥二捕船於澎以偵賊出發一哨船於金以捍賊入頭目遮固臂指運間策之最上者浯澎陳君蒞任以來汎海不波今惜地則不可裁惜人則不可調衝鋒既為舊部則合併固非蛇添金門既屬原轄則統攝又非馬腹如以柳易播則不如仍舊職之便如舍湜求白則不如仍舊人之便或加闔司而為路將裁可也或併衝鋒而歸浯澎勿裁亦可也

節池顯方與
蔡體國書

浯銅舊一總近以地遠難馭分為二遊左遊轄自舊浯

與至鎮海崎尾右遊轄自劉五店至官澳圍頭上達泉
界下抵漳封犄角互牙最為善法第舟一日不在汛則
起萑苻之窺總一日不在舟則生哨捕之玩今二遊總
皆駐中左逢汛暫出雖歷難周若寇過洋既乏狼烟之
報及舟馳救徒為馬腹之鞭合無令左遊收汛駐舊浯
與出汛巡浯洲等處右遊收汛駐劉五店出汛巡金山
官澳等處遊擊住中左帶泉標遊一枝稽察兩路庶外
洋之聲息易通內地之藩籬益固矣又同安田窄烟稠
貧民以粵糴之通閉為豐歉富人以米價之高下權奇
贏當炊玉之時而富者之慳甚於惠潮故穀直日騰乃

金門志

卷五

明兵制

三十六

儲糈獨少縣倉有穀而未盈高浦金門二所有倉而無
穀中在所無穀并無倉古者三年收有一年之蓄今者
數年蓄不足支數年之饑况無蓄乎合無於實者增之
虛者補之穀艘常通長納如坻之粟豐年必積永存不
涸之倉此足食之先幾救荒之上策也

節池顯方與
闕謁公書

國朝原設水師鎮標營制

原設援勦右鎮總兵官康熙十九年改為金門鎮總兵
官標下中左右三營兼轄銅山楓嶺雲霄詔安海澄五
營後將銅山楓嶺二營改歸福甯鎮管轄雲霄詔安海
登三營改歸漳州鎮管轄本鎮只領標下三營康熙二
十七年裁去中營嗣又兼轄閩安銅山嘉慶間閩安改
歸海壇鎮銅山改歸南澳鎮仍專轄左右二營會興
營冊

總兵官一員駐劄後浦

中軍遊擊兼管左營事一員駐防後浦

守備一員駐防後浦康熙二十二年復設

金門志 卷五營制 三十七

千總二員 把總四員原三年增設一員五十

外委千把總九員 額外外委四員

右營遊擊一員駐防後浦

守備一員駐防後浦

千總二員 把總四員

外委千把總九員 額外外委四員

左右營現存實額步戰兵各四百零五名守兵各五百零

五名

左右營現存新添水戰兵各五十六名原一千名陸續門

議以奉裁未盡者合廈門五營湊足
二百名作為金門額兵駐防

康熙十九年間提督萬正色克復金廈籌善後策奏自料羅烏山頭至金門港須兵三千於是設中左右三營每營戰守兵各五百名二十三年每營抽出戰守兵各五十名撥歸澎湖明年每營又裁戰守兵各五十名二十七年裁去中營所遺兵勻歸左右兩營每營戰兵各六百名除舵工炊糧十五名每營守兵各五百八十五名三十五名每營裁去戰兵四十八名雍正五年每營添設外委九員乾隆二十七年每營添設額外四員俱食步戰兵糧實在戰兵五有三十九名四十七年武職議給養廉其隨糧改募實兵奉裁戰兵各八十八名又

金門志

卷五 營制

三十八

公糧改為公費奉裁守兵各三十四名五十四年各裁戰守兵五十名撥戍臺灣嘉慶四年左營裁守糧三十份右營裁守糧二十八份改為加給舵工炊糧八年各抽出戰守兵十五名舵炊三名撥歸三沙十六年各裁戰兵十一名守兵十三名撥戍臺灣之艋舺兩營共存戰守兵一千七百三十八名內弓箭兵各一百七十二名鳥鎗兵各五百一十二名籐牌兵各八十七名大砲兵三十六名舵工各二十三名字識各三十六名此現存之兵額也先嘉慶十一年以勦海盜蔡牽朱瀆兩營添募新戰兵一千名二十二年即裁二百二十八名撥

歸天津嗣又陸續裁汰道光年間回疆用兵又復裁減
兩營現存百十二名隘口改隸金門議就金門兩營及
廈門奉裁未盡者湊足二百名作為金門右營額設駐
防隘口切以金門孤懸海島東達澎湖北至湄洲菜子
與與海壇連界南至將軍澳與銅山營連界上下四百
餘里洋面遼濶港汊紆迴汛防布列在在需兵堵禦如
遇戍臺班政之年每起每營換兵一百四十名撥往之
兵已經起程換回之兵尚未內渡重洋往返動需時日
存營兵實為無幾凡出洋緝捕獲餉載班水陸各汛巡
防差遣派撥不無掣肘察度洋面地方情形實有難再
金門志 卷五 營制 三十九

行裁汰之勢也

見林氏閩錄 涪洲

官兵俸餉

總兵官年俸銀六十七兩五錢七分五厘有奇薪銀一百
四十四兩蔬菜燭炭銀一百四十兩心紅紙張銀一百
六十兩馬乾銀一百九十二兩養廉銀一千五百兩

乾隆

三十八年各官空額
丁改作養廉

遊擊年俸銀三十九兩三錢三分九釐有奇薪銀一百二
十兩心蔬七十二兩馬乾七十二兩養廉四百兩
守備年餉銀一十八兩七錢五釐有奇薪銀四十八兩心
蔬二十四兩馬乾四十八兩養廉銀二百兩

千總年俸銀一十四兩九錢六分五釐有奇薪銀三十三兩三分四釐有奇馬乾二十四兩養廉一百二十兩把總年俸銀一十二兩四錢七分一釐有奇薪銀二十三兩五錢二分八釐有奇馬乾二十四兩養廉九十兩外委千把總各食步戰糧年加廉一十八兩額外外委食步戰糧

步戰兵新戰兵每名月支銀一兩五錢守兵每名月支銀一兩不論戰守新兵每名月支米折銀一錢五分本色米一斗五升惟左營撥防崇武祥芝深滬黃崎等汛之兵二百八名月支本色米三斗右營撥防圍頭汛兵三金門志 卷五 官兵俸餉 四十

十五名月支本色米亦三斗年共需米五千四百八十八石四斗左營月支廈防廳米百十四石一斗五升支馬巷廳米二十石一斗支惠安縣米四十二石三斗支省城道庫米折銀十四兩一錢五分右營月支廈防廳米百四十石一斗支馬巷廳米十石五斗月支省城道庫米折銀百四十兩一錢又有恩頒生息銀每遇營兵丁喪支銀四兩名白事嫁娶支銀三兩名紅事惟新戰兵舊未有紅白賞銀遇本兵丁喪就新兵餉內攤捐飲助道光年間新兵移駐筥口照例議給紅白銀所有糧餉俱田金門縣丞監放至換班戍臺者分為頭二

三四等起三年更番輪換共外委額外十三員共兵一千一百名每名月支眷銀二錢二分七釐四毫眷米一斗折銀二錢按季赴司庫承領

左右營賞號銀年二百兩役食銀百八十六兩

左右營原領存穀價銀二千一百五十兩

戰船馬匹

左營戰船乾隆年間原添造勝七字米艇船嘉慶五年添造勝七字米艇船嘉慶五年添造勝七字米艇船一隻嘉慶五年添造勝七字米艇船雙道光二船八隻

金字號同安梭船七隻

捷字號米艇船一隻嘉慶二十一年添造額二隻

隻字號大橫洋船一隻 大小八槳船二隻

金門志 卷五 戰船馬匹 四十一

右營戰船乾隆間原趕七隻

湯字號同安梭船七隻 成字號大橫洋船一隻

勝字號米艇船二隻原存今道額二

捷字號米艇船一隻原存今道額

大小艚船二隻

左營各官自備坐馬三十八匹

右營各官自備坐馬二十二匹

較場軍局

大較場在後浦東南社外即外場

小較場在後浦東門內俗號觀德堂

內箭道在總兵署內東偏

左右營軍器火藥局在後浦西門六花頂素副鐵弓盔箭甲二九百八十九十

一副十鳥二鎗一口千五十一千二十七百零八一口雙刀帶手牌十三四把百

四大枝踢竹篙十鈿五八把長三鎗七十枝十割百瀆把一箭萬三四十

千被九百二十領條大旗四房百架副號掛六布頂十號四架百布

頂十號身褂銅字鑼補鍋百五十百八口藥副萬三衣百四身火十餘攻衣百

九千六八百十中六小舢餘大子小一鐵千九百七十八百粒七鐵母

子砲四十八門位鐵行百營子砲十九門銕砲鐵砲三十七位鐵

左營水陸汛右本營營水所汛轄分水北南至香廬石與海壇本鎮標

金門志 卷五 較場 本涓標洲右水營陸分汛界陸交汛又在東北渡海南至臨董水北與陸路提

汛標交石界井

駐防金門汛船配二兵隻三百七十一百七零八名戰巡船防二諸隻汛漿

金龜尾砲臺汛委烟一燉員三配座兵大砲三十六位名外

許坑汛七配名兵 平林汛三配名兵

歐厝汛配烟兵燉六三名座 古甯汛兵外十委四名員配

雙乳山汛配烟兵燉八三名座 湖下汛五配名兵

烈輿水陸汛船烟二燉隻三配座兵外八委十一員戰名

大嶝汛兵外十委五一名員配 小嶝汛五配名兵

董水汛五配名兵 分防晉江深滬水汛委所轄員有戰船一永隻配東兵店三等小五汛名外

分防晉江祥芝水汛把所轄一日員湖戰蚶船江一後隻渚配徑兵邊三等小汛名千

分防惠安崇武水汛把所轄一大員昨戰獺船窟二臭隻塗配下兵坂七等小汛名千

分防惠安黃崎水汛委所轄一小員昨戰船一川隻峯配尾兵沙三格十等小汛名外

右營水陸汛營本水營汛所轄水汛南北自旋晉以江外石圳本與營所標轄左

漳州地方陸汛在金門北至陳坑與

駐防金門汛澎配兵二三百六配兵十三戰四船八二名隻

料羅官澳水汛兵千八把十總五一名員巡戰防船諸二汛隻配

料羅砲臺汛兵烟三燉十三座名配陳坑汛配烟名燉八三名座

峯上汛配烟兵燉八三名座田浦汛兵烟十燉三名座配

西岑汛五配名兵青巖汛五配名兵

金門志卷五軍局四十三

官澳汛配烟兵燉十三名座西黃汛五配名兵

金山港汛五配名兵劉澳汛五配名兵

分防晉江圍頭水汛隻外配委兵一員三十戰五船名一

分防海澄鎮海水汛隻千把總兵一員十戰五船名二

分防漳浦井尾水汛隻外配委兵一員十戰名船二

分防漳浦將軍澳水汛隻外配委兵一員十戰五船名一

分防漳浦筮口汛汛在漳州赤湖東南原屬漳鎮左營積

美汛管轄距漳浦縣城百餘里負山面海左窺鎮海右

望陸鰲外瞰金門大洋內通佛曇橋港袤長十里許村

社稠密地僻俗悍結附近村為奸捕急則入海最稱險

要道光年間漳州道府請調水師守備一員建設兵房
衙署墩臺望樓駐防其處總督孫爾準檄下水師議覆
提督劉起龍金門總兵陳化成議守備有兵馬錢糧專
責勢有未便請照巡洋例以金門右營遊守分班輪駐
上半年遊擊下半年守備就金廈奉裁未盡水戰兵湊
足二百名作為金門右營額設駐防不輪換聽其携眷
遇有兵缺即由金門右營募補不募隘口土着之人撥
千把總一員為專防外委一員為協防哨船二隻多槳
快船二隻不足就金門左營調撥界以潮港中間為定
仍於隘口鎮海適中地添建小汛一曰山邊汛南距隘
金門志 卷五 汛地 四十四

口十一里北距鎮海九里復於鎮海島美適中地添建
小汛一曰髻山汛南距鎮海八里北距島美十二里汛
各安兵四名就移駐兵調撥

哨期

每年總兵官於二月初一日就兩營各汛撥出戰船六隻
配隨官各一員出洋總巡例於四月初一日北至涵江
與海壇鎮會哨督糧道到處監視六月十五日南至銅
山大灣與南灣鎮會哨汀漳龍道到處監視八月初一
日再往北洋與海壇鎮會哨興泉永道到處監視九月
三十日撤回其十月十一月應左營遊擊出洋總巡十

二月正月應右營遊擊出洋總巡

左右營遊擊每年二月起至五月止帶戰船三隻出洋分
巡左右營守備六月起至九月止帶戰船三隻出洋分
巡每月初六駕赴圍頭與水師提標會哨石獅縣丞到
處監視十九日駕赴湄洲菜子與與海壇鎮標會哨二
月起至五月止平海縣丞到處監視六月起至九月止
□厝巡檢到處監視其右營每月十九日係駕赴陸鰲
將軍灣與銅山會哨盤院巡檢到處監視每年十月至
正月左右營將備照單雙月輪班出洋巡哨單月遊擊
雙月守備

金門志 卷五 哨期

四十五

更堆

北門堆 一在真武廟 一在圍丞署 邊

東門堆 南門堆

西門堆二 水門堆

附錄

閩地瀕海港汊叢雜故水師以巡哨為急務謹案 功
令會哨歲有定期水師提督抽撥十船聽南洋總兵調
度者六聽北洋總兵調度者四期滿撤回名為跟巡而
海壇福甯二鎮會哨於北竿塘又與金門鎮會於涵頭
港金門鎮與南灣鎮會於銅山至期責成該管各巡道

預赴會哨處所會印通報并令各鎮會哨事畢仍巡回
所轄洋面為總巡其各協營將弁每月輪班出洋為分
巡仍於上下接界會哨由各鎮取結通報法至善也然
閩洋上通江浙下達廣東其間又有南北之分如南澳
鎮之雲蓋寺以上謂之南洋每歲夏秋匪船多乘南風
自粵來閩閩之匪船必乘冬春往粵宜於南澳銅山懸
鐘鎮海浯嶼大担諸汛內外防巡遏其趨捷至金門鎮
之料羅烏沙官澳安海圍頭峯上皆為商漁停泊避風
吸水之門戶奸匪易於潛蹤再上則永甯深滬祥芝獺
窟崇武湄洲平海南日諸港澳嚮為奸徒勾引之區尤
巡緝之不可緩者至海壇以上謂之北洋值秋冬時多
西北風船之自南而北必寄碇於所轄之鼓嶼磁澳間
俟風稍轉方能駛過南茭春夏之時多東南風船之自
北而南亦當寄碇東沙白犬各洋面以俟風順再行故
磁澳東沙等處實為南北咽喉又自白犬而上則竿塘
定海黃崎北茭羅湖俱為閩安協所轄洋汛皆有停泊
避風接濟水米之處再上則福甯鎮管轄之大金三沙
俞山烽火至北關為閩浙界洋每歲秋冬匪船多自浙
而趨閩閩之往浙多在春夏苟能確按風信實力巡防
則閩浙相通之路匪船不易往來事半而功且倍之凡

海汊之所分各有內港大者巨航可入小者支分屈曲
非可遽竄與其一一防守不若審擇要害兵不費而寇
可遏近時土盜竊發往往取間道突至為患則所宜防
堵又不僅多巡要害乃可無虞矧盜船初出必且偽為
商漁請給牌照洋遇孤商則劫貨擄人占坐其船遇巡
哨則隱匿刀鎗呈驗牌照何從辨其為盜然亦有人船
兩地舵手異名私藏禁物載貨不符篷無書字舩無刻
號牌照逾期不換水手但載十餘人乃多至三四十人
詢之指為搭客違禁器械無所不有詰之稱為禦盜且
船隻給照必先書寫縣號船戶姓名於風篷之上及刻

金門志

卷五

附錄

四十七

兩舩以憑查驗若以布席遮掩其字必將為盜恐被認
識指告耳凡此形跡可疑在在留心盤詰無難弋獲今
兵船出洋巡哨盛為威儀是先驅盜賊而使知避也先
君子常易服藏兵假商船以為餌或於風雨晦冥并舷
偕泊乘賊不意擒之久之賊將自疑其黨亦兵家用間
之機也後之有事巡哨者宜留意焉

獻雲
文抄

雍正十三年總督郝玉麟奏稱南灣洋面島嶼歧雜歸
海壇金門兩鎮分巡鞭長莫及請以南灣右營銅山洋
汛俱改歸南灣鎮巡查並撥金門鎮巡船二歸南灣如
所請行

滿漢
臣傳名

職聞鞭長不及馬腹，縷短不汲龍淵。嘉慶十五年春，得王提軍采咨閩安銅山營營伍向隸水提督。今新頒中樞政考載金門鎮總兵駐劄同安縣管轄本標左右營。閩安協銅山營於是該協營改隸金門鎮，惟查舊管營制冊內康熙十九年該立金門鎮管轄中左右三營，嗣於二十七年裁撥戍守臺澎，改為左右二營，亦無載管閩銅協營字樣。竊思管轄各營必須界壤聯絡控制，方能得宜。今閩安相距金門六百餘里，中間海壇鎮隔斷其銅山，距金門亦有四百餘里，水驛山程往返維艱，不獨遇有緊要文報遲悞，且一切地方營伍事宜詢訪難金門志 卷五 附錄 更堆 四十八

周實多窒碍難行之勢，似應如前鎮所請將該協營就近改歸海壇南澳兩鎮，庶控制得宜，不至貽悞事關營

制不得不冒昧披陳也

總兵林孫
營制議

國朝新改營制

同治六年總督左宗棠奏請裁兵加餉新定水陸營制
移金門右營官兵駐湄州移廈門提標前營官兵駐涇
口所有金門前轄水汛酌量分撥提標湄洲兼轄并將
金門總兵暨左營遊守裁汰改設副將都司二員其千
總以下弁兵亦裁去大半茲將現額備列如左

金門協鎮副將一員駐割後浦 月支俸廉等銀一百一
十兩一錢二分一釐零

中軍都司一員駐割後浦 月支俸廉等銀三十七兩四
錢四分九釐零

金門志 卷五 新改營制 四十九

千總一員月支俸廉等銀一十六兩

把總三員每員月支俸廉等銀一十二兩五錢

經制外委六員各支步戰兵糧每月加支廉銀一两五錢
額外外委四員各支步戰兵糧

步戰兵二百二十二名每名月支餉銀二兩五錢五分

守兵三百一十五名每名餉銀二兩四錢

舵炊稿字識號令手六十五名每名月支餉銀一两

外額戰守兵暨舵炊稿字識號令手每月各領米三斗折
銀六錢有差

現配巡洋哨船

剛字一號艇船一隻

剛字二號艇船一隻

健字一號艇船一隻

健字二號艇船一隻

捷守一號小艇船一隻

普字龍艚航一隻

分防汛地

祥芝水汛官十一名員

深滬水汛官十一名員

圍頭水汛官十一名員

大磴水汛官十一名員

後浦汛官十一名員

金龜尾砲臺水頭等汛兵六

許坑歐厝等汛兵五

劉澳汛兼轄西黃青嶼官五名

料羅砲臺汛兼轄陳坑峯上

古窰頭汛兵五

雙乳山汛兵五

烈嶼上林兼湖下等汛兵五

金門志 卷五 新改營制

五十

烈嶼墓仔口汛兼轄烟燉青

哨期

金門協副將所轄洋面北至大墜南止南至東椗北止每歲上半年副將總巡於五月十五日統帶師船赴筓口會同汀漳龍道監視銅山參將廈門前營遊擊會哨下半年都司總巡係馬巷通判提標後營遊擊監視於八月十五日都司駕坐師船與提標後營守備會哨

附錄

金門四面环海所轄洋面七百餘里屬汛亦多在在需兵防守乾隆間裁去左營弁兵以中營遊擊兼管左營

事蓋一時權宜之計尚存其名將為後來議復地也自同治五年制府以湄洲為賊艘出沒之處奏請將金門右營弁兵移設湄洲并改金門總兵為副將左營將備俱裁但設中軍都司一員兵五百而已夫湄洲地僻民稀既為賊藪則設營防守非盡無益然金門沿海要地不無孤虛之患矣查金門之料羅與臺灣之鹿耳門呼吸相通盜船時常寄泊其為扼要之區尤甚於湄洲若額兵稀少難資防範愚以為宜就前裁之弁兵千餘名中復留三百名守備千把總各一員外委二員以守料羅留兵一百名千把總外委各一員以守金門城稽

金門志

卷五 哨船

五十一

查海船出入以顧海疆大局於近時裁兵就餉增餉練兵之計固無甚損若謂兵已奉裁不便議復則於中左二營中已移之兵各撥回三四十名又即所裁金門兩營餘剩月米折為兵餉可設兵二百零名共得兵四百名統歸金協管轄調遣無糜餉之虞而有守險之益此兩全之策也且金門一隅又不但關乎沿海大局正以密邇廈門互為犄角也即如咸豐三年海澄會匪踞廈門賊艘七十餘隻直犯金門幸官紳協力水陸夾擊堆敗其鋒後官軍收復廈門實恃金門為進兵之路况金廈水師原為控制臺澎不得不佈置嚴密誠以臺地民

情浮動郡城與金門對渡舟師可聞警立赴彼五百兵
何足應援又查福建水陸各協標未有僅設專營者如
安平協與臺鎮毗連而設三營澎湖小於金門閩安僻
在內港而各設左右兩營額兵均不下千餘名乃金門
孤懸外洋尤為重地而但設專營倘副將帶兵巡洋都
司一員留兵無幾安能內外兼顧而無疏虞之患哉再
四圖維唯望下採芻蕘者擇前二說而酌劑行之於洋
防大計或者不無少裨乎

誦清堂文集

閩之汛地俱近外洋非同安梭式趕罾船不可以攻大
敵蓋趕罾之制其蜂房舩牆即古之樓船巨艦敵舟之

金門志

卷五

清堂文集

五十二

小者相遇或衝犁之橫壓之敵既難於仰攻我則易於
俯擊然利於深水右風潮阻難不便回翔亦不能泊岸
須假小船接度是以水師各營分配戰艦大小相資其
名曰大橫洋曰大趕罾曰舩船大趕罾之制長十丈廣
二丈首昂而口張兩旁為舩護以版牆人倚之以攻敵
左右設閘曰水仙門人所由處左曰路屏右曰帆屏

泊船

即架於此

□中官廳祀天后廳左右小屋各三間曰麻籬廳

外總為一大門出官廳為水艙左旁設廚灶置大水櫃
水艙以前格艙為六迄大桅根格堵乃兵士寢息所下
實米石沙土以防輕飄口如井版蓋之桅高十丈篾帆

律索插花皆備別有小艙二格乃水手所居頭桅亦掛
小帆短於大桅頭桅前即鷓首安椗三箇碇用鐵梨木
里千斤纜纏百數十丈有鐵鈎曰碇齒以泊船者廳中
格曰聖人龕安羅盤即指南針以定方向後曰舵樓左右二
小屋舵樓石小桅桂帆曰尾送另備小艇一曰杉板以
便內港往采大船行則收置船上杉板小即船旁帶船中輯
衆者曰管駕并目商船即主出海主操舟者曰舵工司爨曰炊
丁商船即上桅理帆繩司瞭望曰亞班亦曰手修整船器
曰押工分司舵繚板碇曰頭目佐事者通曰水手專任
攻擊曰戰兵能出沒水中曰水兵此同安梭式大趕罾
金門志 卷五 商船總舖 五十三

制也艇船之式有單帆雙帆制較趕罾差小又有八槳
小哨以供裏海哨探巡報之用曰草鳥船能狎風濤行
駛便捷按例戰艦三年一小修五年一大修十二年應
拆造俾海上衝濤激浪可恃無虞屆期飭目兵駕赴各
本營兵備道廠承收修造工竣移營結領未及工限而
損壞以修造之後閣岸日多浮水日少則營員賠修天災
風颶准報補隨修經費皆有定例各營戰艦編號海國
萬年清金湯永固紀等字具最大者有集成字號以備
稽核大要造船在主者留心工匠遵法尺寸合度方可
適用其龍骨每丈配大風檀各有等差然因時變通又

在乎人船之承帆與否在於八尺之寬窄船之宜水深淺在於起底之或平或尖船之衝浪與否在於鷄胸之肥瘦船之利水與否在於收尾之或高或低船身配長則舵葉用窄船身配短則舵葉用寬桅照水則上繚宜鬆桅鈎後則上繚宜緊所謂分繚寸舵也遇碇地瀾泥碇繩須墊草鞋以防拖脫風浪大時纜須生根以防斷找潮退時須將船底翻起半面焚乾草再以蠣灰塗之戰船月一燂洗方無蛀患至廠中修造估價太廉則板薄釘稀况丁胥刻減工匠取贏工既不精事何由濟故欲船堅須加工料監督之員必委勤慎使工匠無敢串

金門志

卷五

商船

五十四

通丁胥無從高下其手則戰艦得資實用矣

沿海畧

金門四面皆海以後浦為文武駐劄距泉州府水程一百五十里距福州府五百八十里

金龜尾砲臺在金門鎮西南距後浦七里距許坑三里烈嶼則唇齒相依大担亦聲援必及與浯嶼隔水相對均為後浦輔車賊泊浯嶼不得廈門必由此而掠金門哨守極要

許坑距後浦八里距歐厝三里

歐厝距後浦七里距雙乳十里

雙乳山距後浦七里平林三里刼盜出沒要衝

平林距後浦十里古窰十里

古窰左平林右後浦距後浦十里湖下五里與大嶼遙對

水途四十里

湖下距後浦五里距烈嶼水途十里

烈嶼水陸汛在金門鎮西南海中距後浦水途十五里距

小嶼水途三十里 嶼周二十餘里大小山數十唐時

嘗置牧馬監於此方輿紀要 舉金門隔潮並峙海上有警

則烈嶼先受其鋒閩書

小嶼距後浦水途三十里距大嶼五里灣甲一名

金門志 卷五 沿海畧 五十五

大嶼在金門鎮西北海中距董水十里 嶼廣六七里東

有小嶼亦海中要地方輿紀要

董水距後浦水途五十里與泉州陸路城守營西港社交

界距西港十五里

劉灣在金門西北海邊與大嶼隔水相對不過三里距金

山港六里距後浦二十里

金山港距西黃二里距後浦二十六里

西黃距官灣二里距後浦二十八里

官灣在金門鎮北去峯上二十里距後浦三十里距青嶼

里許 峯上民勇戰鬪置精兵其處賊來必不越而及

官澳然非官澳則峯上之守亦孤唇齒相依也書閩

青巖距西岑二里距後浦三十里

西岑距田浦六里距後浦三十里

田浦在金門城東距後浦三十里距峯上五里其外皆大

洋與東椹遙相望

峯上在金門鎮東距後浦二十五里距陳坑三里 汛居

浯洲巖最東其澳曰料羅書閩 峯上與福全深滬圍頭

諸處並為番舶停泊之門戶哨守最要海防考

陳坑在金門城東南面大海距後浦十二里澳甲一名

料羅砲臺汛在金門鎮東大海中距後浦陸路二十里水

金門志 卷五 水途 五十六

途十五里距峯上五里北距圍頭水汛一百里南距鎮

北水汛一百一十里 料羅在金門極東船隻往來必

須之所為泉漳門戶書閩

附錄

泉之沿邊既有永寧衛金門諸所矣又於浯巖之地特設水寨選指揮之勇畧者一員以為把總仍令各衛指揮一員及千百戶輪領其軍又設戰船以時習戰法南日以下銅山以上悉資之其責任可謂專且重矣以此重鎮而必設於浯巖者蓋其地突起海中為同安漳州交會要區而隔峙於烈巖大小担之間最稱衝險賊之

自東南外洋來者此可以捍其入自海滄月港而中起者此可以遏其出稍有聲息指顧可知江夏侯之相擇於此者蓋有深意焉其移於廈門也則在腹裡之地矣夫惟水寨移於腹裡則把總得以縱欲偷安官軍亦效尤而廢弛賊寇猖獗於外洋而內不及知逮知而哨捕焉賊已盈馘去矣甚至官軍假哨捕以行劫而把總概莫之聞焉使或聞之則亦掩飾罔上以自救過故水寨不復於浯嶼其亂不可已也然欲復之或又執孤危掩襲之說以惑上聽愚竊謂不若移之科羅之為便也蓋料羅浯嶼均為賊之巢穴其勢不甚相遠而據此亦可

金門志

卷五 水途

五十七

以制彼也庚申之變官澳之陷慘矣使料羅而有水寨賊其敢爾乎萬全之策無過於是有經世之志者此地宜留意焉

節洪受浯嶼水寨移設料羅議

浯洲澎湖均海島也而大小不同澎湖去漳泉四百餘里而礁澳險隘海波洶湧彼賊亦何利而樂蹈不測之淵以幾幸乎浯洲則係泉漳門戶地闢民聚鷄犬相聞無事而遊手遊食之輩已窺伺而有覬心多難則雲合景從之衆遂剽掠以為巢穴先庚申四月被倭抄劫然後由此攻泉州陷興化全省因之騷動則權以遠近難易之勢計以去駐得失之形當時主議者不備內而備

外雖甚遠謀而亦覺過計矣沿洲數年來海寇頻犯居民驚擾即所陳狀牘歷歷可考又何舍內藏齎盜糧而戍不可耕之地哉故就防守論則澎難於浯就要害論則浯急於澎而就浯澎相為犄角論則莫若以澎之總哨守澎而抽各寨遊貼駕兵船汛浯澎無賊則中軍督哨汛守料羅以防內地澎有賊則中軍率兵會巢夾擊置一中軍無有於虛耗而沿海之民陰受其利少一中軍無以勵寨遊而全閩之邑密受其害無增兵增餉之煩而有不測不克之威則建中軍以鎮料羅實今日鼓舞之先策也而其要歸之得人道又在善將將耳

節建洪受

金門志

卷五

水途

五十八

中軍鎮料羅以勵寨遊議

同安海嶼地大而山高者惟浯洲嘉禾為最嘉禾之南中左之所城也而洪濟為之鎮浯洲東北四巡檢之所碁置而南則金門之所城也而太武為之鎮嘉禾去邑五十里一潮可至而浯洲之西則緣溪入海行六十里出灣頭而淼乎不見水端矣其灣最平深於北風尤穩而登岸尤便者曰料羅故設汛以來派兵戍守承平久而戍撤僅僅浯銅遊兵春秋汛及之然亦寄空名耳癸亥冬紅夷登岸把總丁贊死之於是撫鎮出二標以戍而一民居寓兵八九人大為民苦未幾復撤去而分金

門營兵守焉本澳有官廳有媽宮媽宮之前營房對列
兵居之近左起一小阜其下二盤石並入海大各四五
丈又左一石山如虹直亘海中甲子夏議置銃臺於盤
石上予謂三山橫亘海外澎湖閩南之界石浯洲嘉禾
泉南之捍門也曩時諸夷風帆猶在旬月之外自倭奴
潛販東山而紅夷城臺灣寇賊奸宄淵藪往來其指同
安海登間信宿耳嘉禾澎湖設將宿兵賊或未敢遽窺
獨浯易而無備實啓戎心急而圖之不已晚乎則料羅
之城詎非百年碩畫哉

節蔡獻臣浯洲建料
羅城及二銃臺議

泉郡濱海縣亘三百里其最險要宜防之地有三一曰

金門志

卷五 水途

五十九

崇武在惠安之東北海寇入犯首當其衝一曰料羅在
金門極東突出海外上控圍頭下瞰鎮海內捍金門可
通同安高浦漳洲廣潮等處其澳寬大可容千艘凡接
濟萑符之徒皆識其地以為標準嘉靖間倭寇由此登
岸流毒最慘一曰舊浯嶼在同安極南孤懸大海之中
左連金門右臨歧尾水道四通乃漳洲海澄同安門戶
國初設寨於此至為遠慮料羅而上有圍頭舊浯嶼之
地有担嶼烈嶼南有卓岐鎮海皆海寇出入之路抑其
次也今汛兵屯料羅圍頭分哨則浯洲安海官澳田浦
峯上陳坑一帶有賴遊兵屯舊浯嶼担嶼巡哨則鎮海

岐尾烏港一帶有賴乃若選將校核卒伍修艨艦明賞
罰使水軍狎風濤而不敢偷安內灣則在人而不在地
故曰地利要矣人和急焉

萬歷間
府志

三四月東南風汛番船多自灣趨閩而入於海南灣雲
蓋寺走馬溪乃番船始發之處慣徒交接之所也附海
有銅山元鐘等哨守之兵若分兵先守此則有以遏其
衝而不敢泊矣勢必拋於外浯與外浯與乃五灣地方
番人之窠窟附海有浯與安海徑邊等哨守之兵若先
會兵守此仍撥小哨守把緊要港門則必不敢泊此矣
勢必竄入料羅烏沙料羅烏沙乃番船等候接濟之所

金門志

卷五

水途

六十

也有官灣金門等哨守之兵若先會兵守此則又不敢
泊矣其勢必蝥集於圍頭峯上圍頭峯上乃番船停留
避風之門戶也附海有深滬福全哨守之兵若先會兵
守此則又不敢泊此矣其勢必趨於福興若越福興計
其所經之地南日則有岱墜湄洲等處在小埕則有海
壇連盤等處在烽火門則官井流江九灣等處此賊船
之所必泊者若先會兵守此則又不敢泊矣來不敢停
泊去不敢接濟船中柴米有限人力易疲將有不攻自
目遁者况乘其疲而合力攻之豈有不勝者哉籌海圖
篇

三四月東南風汛粵中奸民哨聚駕駛從南灣入閩截
劫商舶內外浯嶼料羅烏沙而上出烽火流江而入於
浙八九月西北風起則捲帆順流剽掠而下

鹿洲集

泉州洛陽橋之西南為圍頭其內港所入為晉江縣安

海橋其西為馬巷廳灣頭

圍頭泊小船防礁內

其北岸為

金門鎮屬同安縣并屬馬巷廳其要口為料羅官灣烏

沙頭塔仔脚皆有暗礁沙汕之險東北外洋東碇嶼遠

船以為準西有烈嶼其灣名城仔角東有沙汕又西有

大小担門二嶼崎立船從中過皆礮臺灣頭西為埭頭

其內港入於同安縣又其西南為後溪港為關潯港皆

金門志

卷五

六十一

內入於同安又其西為灌口港渡水曰鷺島即廈門為

水陸之會蓋北自乍浦錦州天津南自安南東至日本

琉球呂宋紅毛噶喇巴洋船之所通往自隋唐以來其

放洋針路皆準諸此四方商賈雲集也

口雲抄

島嶼礁汕

夾嶼周圍五里在大小嶼之間

變山亦海島也在金門城前天將雨則見頃刻變幻如車

如蓋如官室如城郭晴則隱落潮返照時露馬跡

縣志

草嶼為金門北枕距青嶼不遠

董嶼一名珠嶼亦名鰲嶼在後浦港口為後浦水門羅星

潮退則連屬浯山褰裳可涉其巔

覆鼎以形似名與大小担烈嶼錯峙海中

虎仔嶼以形似名金厦分界處東金門左營南金門右營

西厦門右營舟渡赴厦所必經

檳榔嶼在烈嶼南

鷄冠嶼在金門港南

鷄冠嶼在小嶝前與石井山峯遙對

角嶼在金門西北與石井對峙為金門兩營及同安南安
界地

大泊小泊在金門西北海中東北屬晉江西屬南安東南

金門志

卷五

島嶼礁汕

六十二

屬同安歸石營圍頭水汛管轄與團結皆石為金門過脈

處附近村民恆至此鑿石虧損地氣屢經文武勒碑永禁

漳口礁在金山港外

獅礁鳥屎礁淡礁中礁錯峙董嶼金龜尾門

印礁在湖下前

烏嘴礁在古坑南

甕礁在歐厝南

羅漠礁在烈嶼北

礁在烈嶼北諺云順風駛大担怕風駛馬鞍

前

海割亦沙 在大嶼灣頭間為廈門後營金門左營分界
之處界道望鴻漸山峯遙對南太武山峯為準西北屬廈
門東南屬金門
三脚礁在塔仔脚東屬金門西北屬廈門
九節礁在浯嶼後左屬金門隸同安右屬廈門隸海澄
東椗在料羅東南 南椗在金門城南
烏沙汕在古甯頭羅星港西偏北古甯東湖下湖下可泊
舟避風
海翁汕在金龜尾南汕甚迤長

附錄

金門志

卷五

島嶼礁汕

六十三

金門主山曰北太武海船所望為標準者其山脈自南
安屬之鴻漸欹髻山發祖由大小泊鷄嶼角嶼草嶼穿
脈渡海而來為官澳青嶼錯綴如列星焉由官澳遞南
接海中之大嶼小嶼複南為金山港鹽場大使所駐港
口有白碣潭口等礁對面為董水汛其西可達馬家巷
由金山港稍南為劉澳汛海中有浮汕曰海割曰赤礁
對面為澳頭其地西通鎰五店入同安之水道也由劉
澳汛稍南為雞髻頭為平林汛為古甯頭汛為湖下汛
海中有小嶼曰井仔坡有汕曰烏沙康熙間我軍與鄭
氏將周全斌鏖戰處自湖下折而東南為後浦中港協

鎮縣丞所治也有文武口海關在焉港內有董嶼甚小
後浦之羅星也稍東為金龜尾汛後浦之下臂也對面
之山為烈嶼週三里許烈嶼東北有羅漢礁鳥礁由羅
漢礁折而東南為西湖下則有城仔角覆鼎等礁由島
礁轉而西南則有草嶼馬鞍柝榔嶼又南有三脚礁虎
仔嶼九節礁由是而東南為浯嶼汛大小礁再西南為
獅毬大担小担為入廈水道則屬提標管轄矣凡海船
渡廈門者由烈嶼西北過鳥礁草嶼轉而西南入白石
頭曾厝鞍以至玉沙坡直抵廈門港若由烈嶼東南出
覆鼎虎仔嶼經大小担以入廈門則係外洋水道自金

金門志

卷五

附錄

六十四

龜尾塔仔脚折而東為金門舊城海中有汕曰海翁汕
昔日汕浮起如平地故港口包藏可以泊舟今則汕已
沉沒其東海中小嶼曰東椗相去較遠椗南係提標管
轄皆汪洋外海矣自金門城而東北為古坑汛歐厝汛
港口有小礁曰鳥嘴尾曰甕仔礁曰小姐礁自歐厝汛
而北為料羅砲臺汛道光間總兵竇振彪巡道周凱所
造以防海者其水程尤近澎湖故明設水澎遊擊於此
自是而北為峯上汛田浦汛以至隔海之小米盾大米
盾又東北遠嶼為北椗又北為圍頭水汛深滬水汛祥
芝水汛暨所屬之石圳永甯及海中小墜大墜等處為

晉江縣轄而屬金門協防守汛地皆外洋也自田浦折而西南接西岑汛以至青嶼金門沿海四圍已轉一周矣自大墜而北為崇武為大岞為小岞為黃崎皆湄洲管轄陸則惠安屬地以上水陸汛地皆金門所轄自右營移駐湄洲始定大墜北為湄洲轄大墜南為金門轄要之自大墜以至浯嶼內海港口迴環沙汕錯雜外海以東風浪兼天烟波無際協鎮一營未免鞭長不及綢繆未雨是在留心洋政者

清誦文集 堂

金門志卷五終

金門志

卷五

附錄